

山林經濟

8038
3843

v.1

BERKELEY
LIBRARY
UNIVERSITY OF
CALIFORNIA

Carpenter

增補山林經濟序

天地間百千萬事何嘗不有其則亦何嘗不有其言有其
書哉然其在人也貴賤窮達不能無殊名之殊其於事也
為之各有所當宜今夫處在山林窮且賤焉者之事也木
石鳥獸之為伴較乎居城市而貴而達者事若勢迥然有
不相同從古聖賢於達則兼善天下言之無不備矣彼其
終身伏匿嵒巖之下者亦非若蚯蚓食槁壤飲黃泉而已
也則凡所以頓放吾一身酬酢事為豈可無言語文字循
以為日用常行之則也哉如許由高士隱於箕山潁水之
側杖頭一瓢猶以為煩於耳而去之是於區區身家之念

固有所不屑矣人非能盡然世之嘉遯丘園高尚其事亦
不可但以洋洋者樂飢一林樊一飲啄之微或不預於其
處之之方安且久於其居者吾未之見焉此山林經濟書
之所以作也顧此書不詳作者何人傳之自何時概觀乎
編內所收莫非是士之窮居不得志者安貧食力之要訣
但其為書卷帙太少綱領條目或多疎漏不盡之歎柳君
重臨大而為是之病頗留意行成贊功積有年所古今書
籍之稍強於山家清趣者靡不蒐羅而抉剔之迹自增補
隨事塗點或別立門戶附見已意者亦十二三焉編總十
有六篇目二十有八多寡視舊本倍之始自卜居治農種

樹養花之法終之以棋經筆訣山野遊賞之樂一開卷舉
皆瞭然於心目之間其在鄉郊閒僻之人誠不可一日無
此書大而之用心可謂勤矣大而少嘗以青衿生登名上
舍間從蘇韋附注之君子執事京軍門中歲入太醫內院
受西班牙祿出而少試諸民社之間是皆非平昔所自喜也
乃其性豪宕善飲酒大有燕趙間傑俠風度又酷好為古
歌詩篋中所蓄幾百篇聲調率多瀏漓感激世之齷齪呻
吟者莫或髣髴其一二然阨於時既不克展布外雖施施
其中磊砢不自得今為此書蓋有托焉者然也大而嘗嚮
余言吾非狂者世尚自我以狂狂何所容於世早晚當拚

棄斗廩委軀於寬閑之野寂寞之濱以發舒吾狂送吾不
盡之年子其為我序此書庶幾作他日受用之資也嗟夫
吾素知大而為人大而徒語者其所謂狂豈真病於心
而然歟吾見其踐此言行此書會有其期故不暇悶其狂
而且書此于卷首以證其約

歲丙戌處暑日西河任希聖序

增補山林經濟卷之一目錄

卜居

論地勢

論平地陽基

論山谷陽基

相址

壤驗

水應

砂應

論風射方

造屋

擇材

備瓦

勦土開基

開土

造序

屋水

裝門

取路

墻籬

天井

作竈

倉庫

牛馬廐

廁室

碓磨

池塘

祠宇

書堂

茅亭

穫場

宅木

入宅

陽居雜法補遺

治農

農家要務

農談

驗歲

荒地辨試法

擇種

早稻類

晚稻類

早稻

乾播法

乾秧法
醫苗法

揀秧法

火耨法

黍粟稷蜀黍法

新穀

耕播

荒地旱田薄田濕田
沮澤濕潤荒地播種

收糞

次早稻類

種田宜忌日

晚稻

苗種法

早稻秧基
次苗秧基

反種法

山稻

種黍粟雜法附宜忌日

早黍早粟

漢人種粟法附

稷

蜀黍

大豆小豆菽豆編豆豌豆類

大豆小豆

附吉日

大豆小豆根耕

黑豆菽豆編豆豌豆種法

附雜法

大麥小麥類

大小麥

春餅

畝中種餅法

蕎麥

耳麥

芝麻

水蘊麻

玉蜀黍

薏苡

大麻附


苧麻附

木綿花附

榮麻附

農疆

甘藷種植法附



增補山林經濟卷之一

卜居

夫士不得於朝則山野而已凡有卜筮一區之計者不可率爾定居必先審擇其風氣之藏聚面背之安穩以為永久之圖

論地勢○治生必須先擇地勢以水陸並通處為最故背山面湖乃為勝也然亦須寬大又要緊束蓋寬大則財利可出緊束則財利可聚也○凡定宅安墳雖有陰陽之別而論山川風氣之聚散理則一同而其所稍別者龍之到頭手脚開則為陽居手脚收則為陰宮也○大

抵陽居要坐下平行左右不迫明堂寬暢土潤泉甘光
澤陽氣竹木叢茂可見其氣之盛也吉若土乾燥而無
潤澤凶○凡陽居一山一水有情卽小結局也雖好而
不長遠大勢大形入局卽大結局也富貴而悠遠○凡
家居緊靠大山則必被沙汰之患迫臨江海則恐有漲
溢之慮且水惡瘴劇柴草不便射虎縱橫盜賊出沒之
處皆不可居又當避舟車湊集并市爭利之所非但熱
鬧可厭民俗亦必不美矣

論平地陽基○平支之地一陞無際亦必以龍之來厯穴
之結作處高於衆地而後為真如平地中一坦無高下

之分或穴勢又復低沉則非矣所謂高者亦咫尺許或
數寸皆謂之高但中原平洋如砥其祖宗起處或遠或
近而立營駐節之處不過堂奧一室之正地是為的穴
經曰地有吉氣土隨而起是故最高之處為的穴吉若
住在兩高合槽中間低沉處家必貧困不旺人丁又有
一等平地中之高阜却為護衛照應不是正氣所鍾雖
高亦不吉以為梵宮神宇則多感應凡平洋陽基先須
得水其勢環關或當面朝堂則人財兩旺

論山谷陽基○凡山谷陽基欲其脫落平地寬廣平夷四
面拱衛無空缺凹陷下手有力水口交固明堂開暢據

河據溪者為上其穴亦欲其開展寬潤平坦雖在山谷亦如平洋為善若窄狹則不吉又要高明切忌四山高壓幽陰迫逼窒塞三陽又忌卑下汚穢及水衝宅背四風射脇水聲潺潺凡山谷陽基最要藏風乘得龍氣為吉切不可妄用掘鑿而寬之傷殘氣脉

相址○凡宅址東高而低生氣隆基西高東低不富且豪前高後低敗絕門戶後高前低多足牛馬或曰世出英雄四面高中央低先富後貧平坦大吉○凡宅地卯酉不足居之自如子午不足居大凶南北長東西狹吉東西長南北狹初凶後吉右長左短富左長右短凶子孫

前潤後狹貧之前狹後潤富且貴○凡住宅左有流水謂之青龍右有長途謂之白虎前有污池謂之朱雀後有丘陵謂之玄武為最貴地

址宜○凡住宅延於宮觀仙居側處則主益壽延齡人安物阜

址忌○神前佛後古獄戰場祭壇廢址爐冶碓房油坊壞塚石斷童岡山衝水割交道間隍居之興缺又不宜居大城門口對獄門處當街口處山脊衝射處正當流水處百川口去處草木不生處水田爨因之所塔塚祠廟寺社之處又忌延蛟殭龍窟之傍

經云所戒神前佛後此恐旺氣應注神靈物陰相觸
居之不安若脉氣大旺各有結作又不可拘此而棄
也其神廟或在源頭而障風或鎮地戶而塞水斯為
美矣且有大喬木塞水口亦能發福若伐木毀廟凶
秋之來不
可振也

壤驗○址上去浮土就生地乎正其面而掘之方深一尺
二寸粉土羅之復納原土勿按抑之明早者之土四則
凶土噴則吉○或用斗量土平口秤其輕重七斤為下
十斤為上九斤中平○或取四方一寸平秤之重三兩
凶五兩七兩居之自如九兩以上大吉

水應○凡水宅墓同占得法則福失法則禍大抵水欲其
洋洋悠悠顧我欲留儲而後洩疊疊水田○勝於海潮

但宜朝堂或纏背後最為貴格若漏槽衝背射脇穿臂
或當面直去或斜走反逸直射之類皆凶○其水響如
鳴珂者吉淒切潺湲者不吉

水口○水口貴於周密不放水走凡水口有圓山土墩
謂之羅星土不如石力敵萬山或奇砂怪石如禽如獸
頸近向上尾拖下流大吉蓋羅星喜見水口忌見當堂
逼近有害隔遠無妨○水中有砂洲首逆上流一洲巨
富三洲更好忽見於水口最吉其洲若低則不貴○凡
放水法陽局陽放陰局陰放切勿令陰陽錯亂乾震坎

艮為坤巽為兌

陽為陰

黃泉殺

庚丁向則坤水是坤向則庚丁水是乙丙向則

向則甲癸水是辛壬向則乾水是乾向則辛壬水是所

謂四路黃泉八路黃泉者也只論此十二向放水餘向

不忌凡宅須避此殺○宅東有水
達江海吉宅西有逆流水貧賤

砂應○凡宅左右前砂尖秀端圓科巽辛見卓筆貴文堆甲

屯軍武貴頭側頂斜盜賊孤曜僧道燥火瘟疫掃蕩無訟男遠

天岡作賊死其方向皆用木星輪圖而推詳之○凡宅前

建橋立塔築鑿城隍俱有方位慎不可泛忽訣曰一橋

開鎖力敵重岡樹以崇屋富貴無量一塔獻秀曜氣凌

蒼翩翩士子名播文揚

論風射方○子風射入子孫癸風男丑風女艮風投軍艮風瘡

瘴疾寅風虎狼甲卯道路乙風子孫辰巽主人巳丙乾午

丁水未風紫微坤風有公申庚主暴辛風艱成乾辟亥

壬賤○凡有凶風吹射則氣散風左入則長房欠風右

入則必房虧皆宜避忌

造屋○既卜吉居則當建屋宇擇吉日考選取良材見擇

依法起工而凡家舍計口半造多不過二十四五間最

忌高大非徒功力之難甚妨人見而又非孱孫之所可

能護者大屋尸至小舍人吉

宜忌雜論○屋母太高明多陽盛而傷魄亦母太卑暗

多陰盛而傷魂明則下篇暗則捲之吉○凡造屋其形

如日月口吉字者吉形如工尸字者不吉此是大率也
○凡造屋必用單數為吉如一間三間之類量柱尺數
及布板多少亦用單數兩戶不可相當兩壁如欲對牕
必須一隻一雙○廳後不宜作龜頭堂只一座名孤陽
不吉屋無東或缺北或缺南或缺西亦不吉新宅兩頭
如接小屋不吉○屋柱空懸樑欹棟斜枋蝕柱裂或有
廳無堂接榑屋低前後中屋高構四水不歸或屋後小
屋三五相逐屋脊衝左或衝右或屋脊射後或破屋當
前或棟摧尾散皆不吉○舊屋隙穴開牕立有穴缺折
裏為廳不利折廳為裏無妨○凡屋不吉蓋名燃尸板

不截頭名露骨舊椽接新名焦尾四角不齊名露肘折
屋留半名癰瘻舊屋不蓋名露星○凡人家有廳無堂
主孤寡○人卧屋宇當令潔盛盛則受靈氣不盛則受
故氣故氣之亂人室宇者所為不成所作不立一身亦
甬當數洗沐澡潔○凡造屋時主人忌登喪所浴法上
擇材○伐木吉日己巳庚午辛未壬申甲戌乙亥戊寅己
卯壬午甲申乙酉戊子甲午乙未丙申壬寅丙午丁未
戊申己酉甲寅乙卯己未庚申辛酉天德月德定成開
日又宜立冬後立春前午申日○七月甲辰壬辰日伐
松木不蠹○又宜黃道明星日○忌建破平收危日天

賊火星赤口日山隔日四廢日○伐松木宜晴天去皮
入水浸久後不生白蟻又云五更初削去皮則無白蟻
凡屋材以松木為上品其他雖有好材不過為空廊雜
用而已○四月七月擇日伐材則不出而堅細榆莢下
桑椹落亦其時也凡木有子窠將熟皆其時也凡非時
之木水浸一月或火煏取乾則虫不生○屋材忌彎曲
者虫蛀者又忌自死樹又枯桑又忌震餘木及楓棗木
凡祠宇寺刹公廨退材及舟楫退材又大忌神樹社木
及禽鳥所棲之木忌入於家材亦不可輕伐○忌接木
為棟柱又忌倒木解法見下陽居雜法補遺○雜木中

惟采木作草屋柱則入地年久不朽又作門栓則盜不敢入白楊性剛寧折不曲最中用桐木作板造遮陽甚好其餘椽檁樗柟性直之木只合雜用假家之材

備尾○田家惜費尾屋絕少故頻遭火災若家力稍有餘剝必燔新尾已熟者蓋屋半熟者蓋牆凡蓋屋用舊尾

更妙尾子並雌雄一千張為一訥蓋屋三間若蓋牆則至十二間

動土開基○吉日甲子乙丑丁卯戊辰庚午辛未癸酉戊寅己卯庚辰辛巳甲申丙戌甲午乙未丙申丁酉戊戌己亥庚子甲辰丙午丁未壬子癸丑甲寅乙卯庚申辛酉宜天德月德月空天恩黃道及除定執成開日○忌

土瘟土府土忌天賊月建與天地轉殺九土鬼與建破
平收日同則凶○上件日開基平基同者而癸未乙未
土公死癸日戊午黃帝死日開基動土日大忌

開基營室之時主人必擇地運年運金樓四角無所拘
忌然後始用上件吉日夜半精備酒果脯鹽香燭操文
祭告於土地之神方可動土而深開浮土必見生地乃
止或有木根骨髮及其他穢物悉屏去之生地上如有
土性虛鬆之處則其下必有所埋之物亦須細檢不宜
疏忽看過

築基○凡營造屋舍必先以築基致工不然而築基不

堅則建營未久便自傾側虛費物力矣○築沙法先計

定立屋之地用大木杵

俗名元達古

周回遍築土既堅更計

定安礎之處通直掘土如馬槽形深可半丈許

若天地卑濕不

實則深至丈餘尤好

先納沙七八寸許多灌水令役夫皆持真木

杵徘徊猛築築去杵頭硬硬有聲然後方住手復下沙

灌水如前築去略半丈深須分六七次築訖方堅矣如

取沙不便之處則只取黃粗沙

沙中泔水令濕潤層層

下築如前法而致必倍之可也或其地無黃沙只有黃

土則漬水築之亦如築黃沙法令十分堅硬乃止

定石礎法○安礎於築基之上必要帖土穩安不可少

有蹇動空隙之處若有蹇處不必用瓦石支之但從等
基上平平削去土面務要礎正不動則堅實甚好而人
多不知其法只將塊石撐礎四隅而正之外以黃泥塗
飾之其實礎底空虛雨水浸入其中至冬凝凍春後冰
釋則撐石先陷礎傾而柱隨而倒矣故安礎之法不可
不知

開土○吉日己巳辛未甲戌乙亥戊寅己卯壬午甲申乙
酉戊子庚寅乙未己亥壬寅癸卯丙午戊申己酉壬子
乙卯己未庚申辛酉○宜天德月德月空三奇帝星諸
吉神○忌正四廢天地賊火星月破荒蕪四絕滅沒赤

口大小空亡斧頭殺木馬殺刀砧殺凶敗日

定磔擗架吉日甲子乙丑丙寅戊辰己巳庚午辛未甲戌乙亥戊寅己卯辛巳壬午癸未甲申丁亥戊子己丑庚寅癸巳乙未丁酉戊戌己亥庚子壬寅癸卯丙午戊申己酉壬子癸丑甲寅乙卯丙辰丁巳己未庚申辛酉
○宜天德月德天福天喜天富天恩月恩及禰平成開日吉○忌正四廢天地賊天志火日

豎柱吉日辛巳戊申己亥又宜寅申巳亥為四柱日

上樑吉日甲子乙丑丁卯戊辰己巳庚午辛未壬申甲戌丙子戊寅庚辰壬午甲申丙戌戊子庚寅甲午丙申

丁酉戌戌己亥庚子辛丑壬寅癸卯乙巳丁未己酉丁

巳辛亥癸丑乙卯己未辛酉癸亥宜忌與定碁同若豎柱上

樑同日則不必再擇日

蓋屋吉日甲子戊子壬子乙巳辛丑甲寅戊寅庚寅己

卯癸卯甲辰戊辰己巳癸巳癸未乙未甲申戊申癸酉

乙酉己酉己亥辛亥

起工日主人祭畢

開基日已行祭不必再行祭

命匠人將正樑木鋸

下木頭供奉家神案上禮拜畢用紅紙寫開工大吉四

字貼在木頭上另用黃紙一張朱書姜太公在此符見圖

下貼於匠作處所則無禁忌此符不可壞損○豎柱時

要選大吉上樑時卽次吉日亦不妨豎柱上樑時切防
樹葉頭髮斷筋壞墨及魚鱉鳥獸毛骨預用大紅紙寫
六字真言圖見下俟上樑時卽貼在正樑上再用硃書鎮
宅符圖見下一道貼於樑下以鎮凶殺魘魅樑之頂上用
板物遮蔽不可為風雨壞損符字○選一上吉日豎柱
上樑俱要在一日又宜在上半日太陽光照時最能伏
治諸殺不可用夜間時刻○造屋時以銀尾納柱眼中
致富

造序○先起造住房次廳房次羣房臨完起造大門大略
由內而至外不可先蓋造大門主不完全○豎柱上樑

後方可週砌圍牆壁不可先築牆後起屋為困字兆主
大不吉

屋水○屋水交射不吉又忌射堂衝身○水簷頭相射主
殺傷○屋水從門中出財退○宅中聚水汪汪養蚕難
得

裝門○吉日甲子乙丑辛未癸酉甲戌壬午甲申乙酉戊
子己丑辛卯癸巳乙未己亥庚子壬寅戊申壬子甲寅
丙辰戊午及天德月德滿成開日最喜天河轉運忌臨
五子所遊方身皇定命方

門光星吉日大月初一初二初三初七初八十二十三

十四十八十九二十廿四廿八廿九小月初一初二初六初七十一二十三十七十八十九廿三廿四廿八廿九○庚寅日門大夫死用忌○十二月癸丑日造門盜不敢延

造門雜法○春東夏南秋西冬北皆忌作門○門小屋大財聚門大屋小虛耗○大門中門不宜相對而開○以梁木為門拴盜不敢入○兩門扇或大或小及兩畔牆壁或高或低非一般式招災或門壁破壞或門扇高於牆壁或門口水抗或門被水射或水路衝門或門中水出或門看井水神社對門糞屋對門倉口向門牆頭

衝門交路夾門嚴路衝門門前直屋皆切忌之東北開

門多怪異宅戶二三門相對不吉門左右不可安神堂

忌門前大樹及垂楊青草之類掃糞草置門下令人患

歷骨風

療法以雞子楷病人痛處呪曰願送糞堆頭去勿反顧驗

乾宅○

艮門

子富貴多子孫

兌門

人興

坤門

財旺

巽門坎門

男女瘟病

門

翁婦亡

震門

人宜

坤宅○

乾門

主金寶

艮門

富貴

兌門

足田

巽門

傷宅

震門

烟轟門

火婦

坎門

客死

艮宅○

兌門

貝多寶

坤門

富金銀

乾門

旺人財

震門

小口

坎門

傷小口人

轟門

絕嗣

巽門

傷老母

兌宅○艮門貴坤門旺財乾門老翁震門福長坎門刑犯

巽門傷癆巽門女賊盜男

巽宅○巽門富震門壽坎門財艮門遭風坤門火母兌門

乾門傷男

坎宅○震門旺家巽門旺人巽門財震門雖興坤門財祿坤門尅小兌

門風癰聲啞乾門跛老艮門小兒投

震宅○巽門財震門豐震門榮坎門壽坤門火燒乾

門財耗艮門風疾

震宅○巽門福震門旺人坎門多乾門王兌門長

坤門母艮門長子蓋上震門之法摠而言之則坎震

巽四宅忌向乾坤艮兌方而裝門乾坤艮兌四宅忌向坎離震巽方而裝門若犯之則凶

取路○雜法凡宅門前取路必盤旋曲轉若宅水倒左路從右畔入宅水倒右路從左畔入至於四路黃泉尤當避之○門路曲曲來朝吉西南有大路吉最嫌當面直來衝破忌川字形衝家又忌丁字形或門臨四路或兩路夾門或門前交路或兩橫一直皆不吉○路絕青龍吉繞白虎凶四獸青龍白虎朱雀玄武脊上有十字路明堂中心有井字路或四路圍宅凶其驗最著凡門路非吉方則尤忌之

木星輪圖式○凡安門取路必須擇吉其法於大門或
門樓限上安木星輪圖取五吉避四凶盤上作內外二
圓輪圖內圓則從子左旋排癸丑艮寅甲卯乙辰巽巳
丙午丁未坤申庚酉辛戌乾亥壬二十四位外圓則從
子位起木星亦左旋排燥火太陽孤曜掃蕩天岡木星
燥火太陰孤曜掃蕩天岡木星燥火天財孤曜掃蕩天
岡木星燥火金水孤曜掃蕩天岡木星於二十四位蓋
木星為主於子午卯酉故謂之木星輪圖九星中木星
太陽金水太陰天財五吉也天岡燥火孤曜掃蕩四凶
也置此輪圖於中堂先審本山坐向然後定門及路取

吉避凶

牆籬○雜法凡牆籬切忌先於造屋之前若先築牆圍並
外門其宅必難成○土牆狀如彎弓主富一重一峰兩
重兩峰多穀若統統而低不吉籬薜交結災禍牆無遮
蓋或形類棺材或衝其門或斜倒或夾路交加皆不吉
忽然崩陷主官訟即修之牆上生茨虎傷畜切忌低於
門扇

築土牆法○石籬雖易不如土牆之堅矣久牆址蔓聚
土堅籬形如屋脊用泥土和麤剉葉草廣過二尺半搗
築其上高可三四寸乃止使得易乾待半乾以利刃鉗

削平內外面至乾堅又如前法搗簞而泥土稀稠適中
均一然後所簞滿一心無隙如壁高至身長半後用雜
木為椽蓋瓦就牆臺內外覆以葦草牆外丈餘地種枳
棘等有刺之木但令茂密勿令高長水溝實內設株木
雖令犬貓不許通行可也當以春秋農隙為之凡簞牆
土以黃砂砂為上黃土為次墨土為下作泥時過濕
則濃漬難簞只令微濕好先簞太乾而加簞之必以水
潤濕先簞上面要令新舊土合縫方好矣簞杆用鐵杆
為上真木杆為次蓋簞簞久搗滿然○簞石牆待半乾
以黃砂泥搗面上則耐久

砂泥細搗用

作籬○凡柙籬松竹橡櫟皆無不可而葵如種枳棗及

刺多之木非但一勞而永逸且足防盜矣要種棗先於

欲設籬之地掘坑深長待酸棗熟時多取子概種之一

年後高可三尺來春削去橫枝留刺過冬編作籬隨意

夾縛明年更高可防盜

又法耕地作小畦加糞種棗子待長尺許移種亦可矣

天井○開渠穿井修井吉日通用甲子乙丑甲午庚子辛

丑壬寅乙巳辛亥辛酉癸酉又宜甲申癸丑丁巳又宜

黃道天月德合日開成日生氣日五子不臨日忌身望

定命日

開井取本山生旺方吉○鑿井古法先貯盆水數十置

所鑿之處夜視盆中有大星異衆星者必得甘泉試之
屢驗又法先覆數銅盆于地上經夜視之其中露氣結
聚者鑿之必得泉○新開井於延江海處須擇風順日
謂如江在井之西南而是日有西南風則吹江水入泉
必甘若海風順日則吹海水入泉必鹹○井宜塹成大
發眼光○以鉛十餘斤置井中水清而甘俗以清明日
淘井為新

禱忌曰井宜深二尺七寸旺田砌磚完葺須十五級淺
則凶忌傾倒逼挾反背窒塞不淨破碎坑窞尖大忌
直長如有泉應其聲滴滴不吉或水無所適或貼橋而

行或狀如牛軛又如虫月不吉○忌開井於堂前後房
前廳內凡井竈勿令相省主男女內亂故井泥忌作竈
竈土忌填井又曰井於竈邊虛耗年年井左右忌土阜
井上又切忌作舍塞古井令人聾盲勿改井古今大忌
凡井上不可種木覆井嫌宿雀穢泉井口設架石及欄
檻以防兒墜井傍忌種花而尤忌種桃女必偷香○凡
人家中不可無水有數井亦無妨味雖惡甚亦可開引
其流或作窰井或注于池皆可用○剡木架空遠引山
泉注至厨外亦甚省力○井忽沸渾時人不可飲之其
穰法東向三百六十步內覓一青石以酒煮放井立止

作竈○宜甲子乙丑己巳庚午辛未癸酉甲戌乙亥癸未
甲申壬辰乙未辛亥癸丑甲寅乙卯己未庚申日吉○
正二月戌丑日三四月子卯日五六月寅巳日七八月
辰未日九十月午酉日十一十二月申亥日又宜天月
德玉堂生氣平定成日○忌丙丁建破火星天火土瘟
天賊日及每月初七十五二十七又忌五子所遊方
及天轉地轉日又壬子日竈君死此日不可治竈又壬
癸庚辛萬支九空血忌破危閉建寅日皆不吉宜癸亥
日修之○修造廚房吉日丙寅己巳辛未戌寅己卯甲
申乙酉壬子甲寅乙卯己未庚申定成開日

祀竈吉日丁卯壬申癸酉甲戌乙亥己卯庚辰甲申乙酉丁亥己丑丁酉癸卯甲辰丙午己酉辛亥癸丑乙卯辛酉癸亥除成開日每月六癸日二八月社日○五月辰日以猪頭祭竈治產萬倍四月丁巳祀竈治產百倍五月己丑卯日祀竈吉正月己丑日以白鷄祀竈宜蚕○女子不可祭竈不祥○用犬祀竈凶敗

作竈宜向西南吉東北凶○先除辰巳方地面上浮土五寸即取下面淨土以井華水香水美酒一升猪肝合泥用新磚及細土搆之不可用壁泥又不可以竈餘土泥井井餘土泥竈大凶凡安釜象日月必安兩釜或安

三釜象三光吉○凡支竈之時其竈底須用七分礦灰
三分黃泥搗和平鋪於地則竈上永遠無蟻虫○廳後
忌作竈

雜忌凡竈上勿令穿拆若踐壞其上令人患瘡○井竈
不可相對又忌婦人跣竈坐大凶○凡廳屋安竈兩火
煌煌有災殃不可向竈罵詈對竈吟咏歌哭又刀斧不
宜安竈上又簸箕不宜放竈前令人家不安又糞土無
令壅竈前又竈火燒香鷄毛入竈中致作禍犬骨入竈
出狂子

凡人家鍋釜過夜須刷淨滿注水不可令乾如空則使

人心焦○釜鳴非恠即龍虛氣充而然但去蓋則已亦
不為災禱一男子作婦人拜或婦人作男子拜即止或
但呼鬼名婆女亦不為災招吉利

倉庫○造倉吉日春季己巳丁巳丁未夏季己巳甲午秋

季乙亥壬午冬季辛未庚寅壬辰乙未乙亥丙辰宜成

開日又宜乙丑丙午丙子壬午庚寅甲午乙未庚子壬

寅甲寅壬戌及天月德毋倉滿成開日忌月建月殺轉

殺日

即二月朔日五月午日八月
酉日十一月子日為轉殺日

修倉吉日甲子乙丑丙寅丁卯壬午甲午乙未宜滿日

又忌己巳庚午丙子己卯壬午癸未庚寅壬辰庚子壬

寅癸卯丁未甲寅戊午己未壬戌開成日

宜忌與又宜
造倉同

癸丑甲辰及天德月德毋倉滿日

開倉吉日乙丑丙寅己巳庚午辛未乙亥丙子辛巳庚

寅辛卯乙卯丙辰及天德月德月令滿成開日忌建執

破日甲日又正月十六日古謂耗磨日不開倉

五穀入倉吉日庚午己卯辛巳壬午癸未乙酉己丑庚

寅癸卯宜天德月德平滿成收日又宜甲戌乙亥丙子

己卯戊子乙未壬寅甲辰己酉丙辰癸亥宜毋倉日

凡造倉庫須倉面前庭墻水朝倉門吉日用甲丙庚壬

四方平居開戶坐見處五六丈之距作庫舍間數多必

不等其法先立柱上樑架椽而椽頭出簷短纔數寸而止次設板門之容以上石周圍柱外四面堅厚築牆上至椽底而止全不用壁又於椽上布撒子塗泥五寸許則望之如一土阜以無露木之隙然後用石灰黃土細沙和榆汁依法作泥厚塗四面牆及屋上晴晒雨蓋十分乾堅如甌別用椽木疊架於屋上又布撒子蓋茅乃以厚板作門扇扇下通袖兒穴門板釘塼排目極其牢固庫內地面密布磚石以石灰依法塗築則鼠不能穿入矣不惜所費預用此法則火不為災萬全無憂也

內或大蛇老鼠之屬據棲於一
二穀已之上慎勿勦殺招殃

牛馬廐○作牛牢吉日卯辰巳申亥子年吉月二月四月

七月九月吉日甲子乙丑己巳庚午甲戌乙亥丙子戊

寅庚辰壬午癸未乙酉丙戌戊子己丑庚寅壬辰癸巳

甲午乙未己亥庚子辛丑壬寅癸卯戊申壬子丁巳庚

申戌午辛未辛酉己酉又戌己庚辛壬癸日又戌辰己

未又每月初一初五初六十二十三十五○修牛牢

凶日春子戌午夏寅卯丑秋巳午辰冬申酉未作牛牢吉月一

方無四月又
日九月自如

作馬枋吉日甲子丁卯辛未乙亥己卯甲申辛卯丁酉

戊戌庚子壬寅乙巳壬子庚午壬辰及天德月德○凶

日戌寅庚寅

凡造厩忌西北方又忌酉金醬味不甘午間有井泉主
善馬不絕

雜法牛馬不可同槽為其喂養異法且多不便故也馬
槽則平馬頸安掛方好下必鋪木板馬可免蹄病亦可
布石代板而甚損蹄鐵矣牛槽則稍低於牛頸方好立
板上則蹄必痛預布亂草為取糞可也○對厩設房
以為喂養守直之所槽上數尺牢設橫木且牛馬出入
處設兩扇大板門釘鐵排日夜則用堅鎖鎖之以防偷
盜如有虎患厩前設大蘆網防之又設木簾法見家政尤好

廁室

附 灰室

○作廁吉日庚辰丙戌癸巳壬子己未己卯壬

午乙卯戊午及天鼈地啞閉日又丙寅戊辰丙子丙申

庚子壬子丙辰

天鼈日
百事吉

乙丑丁卯己卯辛巳乙未丁酉

己亥辛丑辛亥癸丑辛酉

地啞日
百事吉

宜伏斷閉日忌正月

二十九日

雜法凡安廁子丑方皆為寅卯未方大吉辰方田蚕吉

巳方子孫吉午方貴人生申方口舌不絕酉方子孫不

孝戌方先貧後富亥方大凶○凡置新廁即除舊廁舊

廁內糞亦盡除之當除之時以水安廁中令莫穢言除

廁只言除水○以竈灰棄廁中令人家貧凶○每月初

六十六二十六日廁神忌廁勿登而登廁時先離廁前三五步咳嗽兩三聲則廁神自然回避矣凡上廁不可唾於廁中及四面壁上

凡人家內外必各設一所而宜高敞明朗不宜低暗幽深且日日出積糞穢常令廁中淨潔夏月以蓴菜一把投於廁中則無蛆虫

附灰屋宜酉方主多穀然後必稍延廁邊可也灰星三面奪垣架椽塗泥蓋茅每日數人潑潑灰上魚防熱灰出火是故灰屋必適當處開門

雜曆○甲戌乙亥庚申庚寅辛酉庚子庚午又宜辛未定

成日吉

雜法來龍在後確宜居前龍前來確居後龍來左確居
右龍來右確居左確頭向外人從後踏可也確頭向宅
大不吉又忌在虎在龍凡確頭當處有家其家必不安
勿近內勿向外須橫直安之吉○確宜安本命生旺方
及寅艮亥方凡安確寅大吉卯富貴向東吉辰宜田蚕
向西南凶巳多子孫向東吉午大凶未殃申口舌酉生
不孝向東北凶向西吉戌先富後貧亥女淫亂
凡鐵爐油榨水確磨磑俱係動物大縣宜居水口其背
後虎頭及朱雀玄武上皆不可作之也

池塘○開鑿池塘吉日甲子乙丑甲申壬午庚子辛丑辛
亥癸巳癸丑辛酉戊戌乙巳丁巳癸亥寅戌開日又作
陂塘吉日甲子庚午甲戌戊寅己卯辛巳甲申乙酉戊
申庚戌壬子癸丑寅戌開黃道日天鼈地曜日○忌魁
罡死氣土瘟天百空凶日初五初七十三十六十七十
九廿一廿七廿九日即天空百日○天狗守塘吉日春
卯夏午秋酉冬子此日池魚無癘耗○開簪吉日附甲
子乙丑辛未己卯庚辰丙戌戊申寅開平日

雜法塘居屋左右或居屋後皆忌之門前三塘也忌之
屋前後忌兩口塘又忌形如猪肚腰門前忌雙池為哭

子頭西有池謂之白虎開口皆忌之宅前明開圓池引
通活水水若渾濁不好

養魚池○作稍遠處亦無妨宜因地形而大小之中列

島嶼

法見養魚門
系考造成

而池不可太深恐水寒而魚瘦矣若

池水易涸置牛骨池中極驗

陂池○如有陂堤或水渚之處則可用真木林木防簪

造池如通活水則種蓴養魚汚濁則種蓮而殘處多種

茭菰蕭葭之屬分引下流通流於稻畦芥坊無不可也

祠宇○擇宅後淨僻稍離正堂不遠處立祠宇而其面必
向子午卯酉正方吉方吉時只見主祭坐旺運不論四

角坐向年月日時當用子午卯酉

書堂○村家烟多煩開甚妨願養牆內如有閑靜餘地必精造三間屋列植花卉左右圖書以爲誦讀之所

茅亭○家延高阜或陂池岸上或川溪曲池之傍造亭數間土階茅簷極其清幽盛栽花木又設射鵲道遊之所獲塲○置塲宜黃道天倉豐旺成旺日二德及合必修於大門外而宜廣不宜狹或設笆子或用籬圍非止爲收穀打作之所藁草等物亦可積置矣塲邊可造草屋一間以爲監獲之所

宅木○忌宜雜法凡人家居住種樹惟栽蒼松翠竹四畔

鬱然不惟生旺自無俗氣蓋陽居喜陰陰居喜陽即陰
陽相和之理也○庭心樹木名曰鬧困主禍殃○忌果
樹成茂被屋左右主疾病○忌大樹當軒又忌當門○
屋頂枯樹鬼聚○忌門前枯樹或獨樹陰又忌門樹兩
般○忌獨樹冬青又忌楓忌冬青如斗忌兩樹夾屋○
樹或腫本或腫腰或空心或腫面或樹向外或樹頭垂
倒或枯樹籐纏或樹穿眼或樹蹠蹋並不吉亟伐之○
忌成方大樹○凡宅中不可種多壽之木久後有難除
之患矣百年大樹不可輕伐必未免災殃○凡木根忌
入屋簷下

棗種宅西宜牛又宜種一根於西南角又宜南一云午
主口舌又云門庭難棗吉○柳東種益牛馬又云柳樹
興六畜又忌垂門又云西柳三槐良馬生一云西忌種
柳○榆宜未地又宜屋後鬼不敢踰又宜西種○桃大
忌種井邊或云桃李十二宜南土又宜東種忌西種一
云忌西南桃李一云桃忌東園○李宜東忌西南土一
云桃李十二宜南土○杏大忌辰方宜土種○桐戌亥
方種三株盛奴婢忌種庭前○漆宜種辰地○槐種中
門三世富貴一云宅前大吉又申種避盜賊○奈宜土
種○桑宜辰方忌種宅內又忌禰澗○柘山桑宜西種○

梅宜南種○檳舞窮花忌宅內○石榴種庭前出賢子又

多嗣大吉○榛宜北種

雜忌○門前青草延宅白楊宅中芭蕉尤甚屋後

大椿香木椒林薜荔緣牆或茨生牆上○近屋楓樹宅

中商陸是為鬼棲○大抵中庭不宜種樹取陰栽花作

欄並不祥○凡宅無左流水右長途前汚池後丘陵則

必東種桃柳南種梅棗西種柘榆北種柰杏亦可代青

龍白虎朱雀玄武○龍圖豎所植十長青○竹松海松

側柏檜紫檀真松赤木黃楊麥門冬

龜文園所植花木○梅小桃山茱萸辛夷杜鵑丁香海

棠山丹薔薇躑躅紫薇

紅百日

木槿木芙蓉佛頂花丹香

流杏紅桃碧桃三色桃李林檎棣果奈櫻桃枳殼冬栢

春栢映山紅倭躑躅梔子石榴月桂冬栢以下蓮蒲蘆

蘭葵牧丹芍藥金藤石竹石菖蒲芭蕉葡萄梧桐杜仲

柳楓

入宅○五運入宅吉日

並合滿平是成收開日

金宅宜辛巳乙酉己

酉丁巳庚申辛酉木宅宜甲子丁卯乙卯乙亥丙子戊

寅戊子辛卯己亥癸卯辛亥壬子甲寅癸亥乙亥水宅

宜戊子己丑丙申辛亥壬子庚申辛酉癸亥火宅宜丙

寅己巳庚午戊寅己卯辛卯癸巳甲午乙巳丙午甲寅

乙卯丁巳戊午土宅寅甲子壬申癸酉乙亥丙子甲申
乙酉丁亥戊子丙申丁酉庚子戊申己酉辛亥○六甲
圖入宅移居吉日甲子乙丑丙寅戊辰庚午丁丑戊寅
乙酉庚寅辛卯壬辰癸巳乙未壬寅癸卯甲辰丙午癸
丑丙辰丁巳壬戌癸亥○遷月入宅移居吉日正月辛
未壬辰丁未丙辰二月乙丑三月丙寅己巳庚寅壬寅
丁巳四月庚午甲午癸卯丙午五月庚辰甲申六月癸
酉庚寅丁巳甲寅七月甲戌戊戌庚戌八月乙亥辛亥
癸丑九月壬寅甲申甲午丙午庚申十月甲子癸酉庚
辰壬午戊子甲午十一月乙丑辛亥甲戌丁丑乙未丁

未癸丑又丙丑日

多吉

未日

係萬通三吉日

十二月丁卯

乙亥庚寅己亥辛亥甲寅○移徙吉日太歲本命驛馬

日○忌身皇定命方往亡伏斷歸忌月厭建破平收日

又忌丑寅月丑寅日

起房工完日祭式用香燭酒醴並淨水一椀楊柳一枝

或青菜一椀置於神前拜祭天地家神口誦云

天陽地陰二氣

化神三光普照吉曜臨門迎諸家堂司命六神萬年香火永鎮家庭諸邪莫入水火艱侵門神戶尉故鬼誅精

太乙敕命保護吾念三遍畢再拜而起後用解魘法拜

家神竈神畢用神前淨水以其柳枝遍洒門柱各處口

誦云

天地陰陽日月星光比有魔魅

不佳口誦候神完

止

本家男女皆
神廟亦可

○凡入新宅擇吉日早晨吉時

取其新
光

乃人口先入家伙後搬則吉若先家伙後人口則不吉

其日只宜進財忌出財故凡人口初進新居無論長幼

各奉執金銀器物即銅錫家伙但不可空手以入○如

次日吉時進屋隔宿備香祝於庭中家眷不可空手進

俱執錢帛等物長男抱器盛五穀宅母帶鏡胸前家主

奉家神次弟進入庭中鋪席置前執物其上候宅長奉

香於爐致敬獻禮祈禱福祉家長安完家神焚香再拜

祝曰家和事昌喜慶福祿田財萬億福壽綿長子孫興

旺科第聯榜祝畢再拜

陽居難法補遺○山谷之穴龍脉細巧而結局必小不宜
施工穿鑿恐傷生氣主人則不吉平地之宅龍氣旺盛
而結局必大縱些少工鑿而無禍害蓋陽氣沉潜故也
○砂或尖利有妨碍處當除則除之可也或砂有不足
處可以截長補短鋤高益低使通於中此雖客土如切
力得法儼若生成後自然相應吉矣○塋垣籬墻俱要
環回其禍福如砂同應水田池塘水澗俱要朝揖有情
吉但反背向外凶○立宅在前安墳在後墳奪宅氣故
墳興而宅退先墳後宅者宅截墳脉故墳退而宅興矣
故勿論宅墓後來龍脉之上切忌行尸及或過嫁娶之

行過其奪生氣故也○墓凶宅吉子孫官祿墓吉宅凶
子孫衣食不足墓宅俱吉子孫榮華墓宅俱凶子孫離
鄉絕種○凡宅漸昌不得因富而改造受殃○宅有五
虛令人貧耗一虛宅大人少二虛門大內小三虛牆垣
不完四虛井竈不處五虛地多屋少庭小院廣宅有五
實令人富貴一實宅小人多二實宅大門少三實牆垣
全完四實宅小六畜多五實水溝東南流○密取富人
家地下土來用淨水泥大門上土財旺亦不害於富家
或取牛角丑地埋之牛骨南方埋之吉又每月甲申日
取寅地土一斗家內外散之則鬼不敢入財寶自來○

大石置宅四隅則災異不起又云除夕掘埋大石或石
九於四隅槌桃枝各七枚○凡造屋時誤用倒木主令
人顛竄以斧頭擊而祝曰倒好倒好住此宅者世世強
飽云云則吉

張真人陽基在貴溪縣龍虎山其龍分南幹正脉中腰旺
氣將入局轉脫頓跌垂垂大嶂侵雲枝葉蕃衍盤石巉
巖入首列撐天高嶂結穴後托復去數十里為水口與
朝山盡處交結如龍仰虎踞獅象龜蛇諸恠狀前朝豁
齒侵雲卜氏云龍虎山中風不動仙圃長春道書謂之
福地誠然也張氏自道陵煉丹龍虎崖後飛昇其後四
代孫曰咸復闢茲址居之訖今五十七代世沐國寵

張真人陽基圖



建陽考亭朱夫子陽基在建陽縣西五里地名考亭其龍
與縣共祖雲谷山來遠不述此入局分縣龍脈於十里
外開帳用脈過峽重疊將入首又大斷起玉枕峯開大
帳正脉玉枕中奔騰磊落數節即結穴悠揚高爽左右
小水界合分明前有大溪○繞帶縣龍為下關以欄水
口大安山聳前為正朝滄洲鋪展於明堂之間山明水
秀別一乾坤其右地護龍結大禪寺文公初遷居於寺
前蓋其正基為陳丞相業而未可遽圖歟

建陽考亭

朱夫子陽

基圖

玉枕峯

文公之父常齋

先生愛此山水

恒欲卜居未果

文公奉先志遷居此地



天無忌

地無忌

姜太公在此

陰陽無忌

百無禁忌

增補山林經濟卷之二

治農

民以食為天食以農為本勤則飽惰則飢故農家
一年之計在春一日之計在寅預知趁早興作先
人勿後必以盡地利不失時為事功力之入期於
得倍則百物不乏家用自足所謂祿在其中又安
用抱關擊柝為哉

農家要務○水田之穀功多而不甚關於役夫之食旱田
隨其所宜兩根收穫利益倍焉故農家當以田為務可
也○開墾灌漑即田家要務春間五鄉里相約及時致

力然後庶蒙其利矣○農牛日夜喂肥犂鋤糞笠之類
亦於冬間預先料理不然而臨時借隣而治田則終不
免後人而失時矣○近海之地必擇十分無疑之處堰
補作田則間多上品沃土而如失詳審復見潰決則虛
費財力而已慎之戒哉

農談○凡耕種之法不厭大旱旱則耐風旱秋而實大抵
穀種以受土氣之先後實有早晚損益種之當及冰泮
土融時播以乾種畜水深可半尺許春初類多頑寒水
深則冰霜著水而凍不及傷種乾則在上久而發苗遲
可免春寒苗生水中雖眼明者直視不能見每於朝曦

夕照側腦斜視則排牙水底狀如金針若於此時殘水
逢霜枯矣須慎防護待成兩葉天氣漸暖又多終風若
不殘水則苗為波浪所撼根不著土多浮在水面須審
天候殘水曝日土面堅凝苗根得定乃上水如此則苗
先長故莠不及侵根入土深故早不能災受實早故風
不能損凡穀初發穗實在莖中為水待日蒸露滋漸至
堅牢乃成為米東風善燥萬物且多起於穀秀時莖中
之水遇風而燥則損矣早至堅牢風何為災且耘不厭
多穀與莠不兩茂彼盛此衰此盛彼衰安得不去莠耶
然穀胎則只可信手輕輕拔除不宜用鋤傷根而損穗

播種亦有法焉貧民惜穀播之甚疎以待穀苗自茂土
腴則一粒所滋多至三十餘莖似若以費而多取然如
此者得米少而不完以理言之傍莖餘孽受氣不全故
也差備穀種而播密適當時故深耕而播密早種而數
耘蓋其大法耳

種穀宜○地多濕而腴者宜種旱地多燥而剛者宜種
晚土之濕腴者地力旺生物早土之燥剛者地力緩生
物遲土腴而種晚則穀不及地力而反損土剛而種早
則土不及穀性而不秀明於此者為上農昧於此者為
下農其間只爭分毫而收利萬倍知要故也

耕田宜○春耕宜遲秋耕宜早遲者以春凍漸解地氣始通雖堅剛之土亦可犁鋤早者欲乘天氣未寒將陽和之氣掩在地中也故霜時則待日高方可耕也

風辨○東方之地東北皆山西南皆虛風過海而至者溫故能為雲雨長物過山而至者寒故能瀾和而損物何以知其然耶嶺東之祇當農而望東風以其風不過山而溫故也諸風之害東風最甚大至則穉秧皆減百物皆燦小至則穀葉已穗者燦而急促故穗之發也屈疊不伸風過後有雨其他諸風之來雖無損害若為顏為颶為颶則撼動禾節為害與東風無異故古人以風

不觸柯為瑞云

驗歲○冬至日量五穀種各一升盛布囊埋於坎墻隨處

勿令人履其上後五十日

一云立春之日

發取量之最多息者

歲所宜也土氣隨處異宜所在誠之乃驗

俗方冬至埋土字中至立

春日出果菜同法

師曠占術曰五木者五穀之先也欲知五穀先視五木

擇其木盛者來年多種之萬不一差故陰陽書曰禾生

于棗或楊柳生于柳或楊大麥生于杏小麥生于桃或

榆大豆生于槐小豆生于李麻生于楊或荊○桃李多

棠來年必穰當年杏子多則虫不蛀大麥桃子多則虫

不蛀小麥槐樹無虫則豆利李樹不蛀則菜豆有收
薺菜先生歲欲甘蓐蘆先生歲欲苦藕先生歲欲雨疾
藜先生歲欲早蓬先生歲欲流水藻先生歲欲惡父先
生歲欲病每年先種此七般子至孟春占之

每年廼朔占候見四時纂要

祈穀○元日五更以香燭酒果素供率家眷祈穀於山河
土地五穀之神○二月丁戌日農家當祭農具祈穀以
享牛王○春社日當祭五穀之神以祈一年豐熟秋社
日亦祭以報一年秋成○收穀上倉必用牲酒祭於司
倉之神○十月朔日以糯米蒸糰糕雪如餅安於牛角上

為牛之接角仍以桑葉包糕喂牛以報一年之力

荒地辨試法○開荒宜天福豐旺毋倉生氣黃道上吉巳

未及開日忌地火地隔空亡焦坎田痕日○刷土一尺

深嘗其味甜者為工不甜不鹹者次之鹹為下○黃白

土宜禾黑墳宜麥赤土宜粟汚泉宜稻

去落土又稱一尺許始嘗土味

耕播○耕田吉日乙丑丙寅丁卯己巳庚午辛未癸酉乙

亥丙子丁丑戊寅庚辰辛巳壬午乙酉丙戌丁亥戊子

己丑庚寅辛卯癸巳甲午丙申丁酉己亥庚子辛丑壬

寅甲辰乙巳丙午丁未己酉庚戌辛亥癸丑甲寅丙辰

丁巳己未庚申辛酉又宜丙丁庚辛日又宜甲戌己卯

癸未壬辰壬子戊午己未除菑成收開天倉母倉生氣
豐旺六儀黃道不食無虫等日○忌乙日火日建平破
閉天火地火田火虛耗荒蕪九空死神受死死而焦坎
狼籍地隔土瘟田痕地空九焦大小耗不成不收糞忌
及西風又晦日壬辰癸巳又壬癸日

耕地宜徐徐則土軟牛不疲困春夏耕宜淺秋耕宜深
春耕則隨耕隨治秋耕則待土色乾白乃治○世人只
知犁深為功而不知擺細為全功擺功不勤雖見苗立
根在虜土虫咬乾枯擺細則着根柔地不生諸病○凡
荒地開墾初耕宜深再耕宜淺不深則土不熟不淺動

生土○凡開墾荒地燒去野草犁過先種芝麻

鄉名一真荏

年其草木之根悉皆敗爛後種五穀則無荒草之害蓋芝麻之於草木若錫之與五金性相制也

荒田七八月間耕之掩草明年冰解又耕下種大抵治田之法秋耕過冬為上

旱田○初耕後布草燒之又耕則其田自美

薄田○耕萊豆待其盛茂掩耕則不秀不出變瘠為良

凡美田之法萊豆為上小豆胡麻

真荏

次之五六月中

種種日種七八月犁掩殺之為春穀田則計收十石

濕田○不宜種穀處經霜後刈草剉之厚布種小麥則

麥極好而翌年變為乾田至種木花亦宜

沮澤潤濕荒地○三四月間水草長盛時用輪木殺草待土面

熟後下晚稻種又縛柴木兩三箇曳之以牛覆其種至明年

可用耒地名地寶三年則可用牛耕種耨不生大省鋤功其輪木制

用堅剛木長可四尺為五鈞偶兩頭貫木環以繩繫環令兒騎

鞍牛或馬以繫環繩結鞍後橋地名兩傍牛馬行則其輪木

自回轉殺草破塊若沮甚不可入蹈之地用枹地名殺草

下種一如前法○若新墾草木茂密處為水田者大而耕之三

四年後審其土性用糞○殘年開墾待水凍過則土脉春來為

平又不生平後必曬乾入水澄清方可撒種種不陷土易生

凡播種之法有漫種樓種畝種區種之別漫種者以右手取種而撒之務要布均南方麻麥粟豆多用點種便於鋤耘若地廣土肥須用漫種北方樓種其法甚備齊民要術云凡種麥牛踐行種人宜促步以足躡龍底欲土實種易生也今人製造砵車隨樓種子後循龍碾過使其根土相着功效甚速畝種者竅畝貯種隨行隨種務使勻均犁隨捲邊覆土既深雖暴雨不至掩種暑夏最耐旱且便於鋤區種之法凡山陵延邑高危傾坂皆可為區田糞種水澆備旱災也

竊考區田法大畧今之種瓜相類其區當於開時旋旋掘下正月種春大麥二三月種山藥芋子三四月種大小豆菜豆

八月種二麥豌豆節次為之亦不可貪多穀豆二麥各料百
餘區山藥芋子各一十區通約收四五十碩數口之家可以
無飢矣壬辰戌戌之條但能區種三五畝者皆免飢殍云蓋
此法不耕傍地盡地力

山澤有異宜地勢有良薄山田宜種強苗以避風霜澤田宜種
弱苗以求華實良田宜種晚薄田宜種早良田非獨宜晚早亦
無害薄田種晚必不成實也○北土寒氣晚解則穀麻綿之耕
種皆當隨時適宜○凡五穀上旬種者全收中旬中收下甸下收
擇種○浸穀吉日見苗種條

凡種蕎麥則不生雖生亦不實種雜者味生早晚不齊春復減

而吹難熟宜棟純色堅實不雜不絕者簸揚去秕沉水去浮者

澆出曝乾以十分無濕氣為度盛於藁蔭鄉名之類藏置高爽

處或高懸屋樑以防暈耗○種或傷濕絕鬱則虫生用雪水漬之

漬種法○凡雪者五穀之精冬月以大瓮埋置地中溫處要令

不凍至臘月或云臘八月又云至月亦可收雪盛貯厚蓋苦蔭鄉名勿使雨

水流入至種時漬種其中澆出晒乾如此三度則禾稼耐寒而

肥所收必倍○或用木槽盛牛馬尿漬種其中澆出灑乾亦須

三度○於牛尿煮繭蛹繭即繭死蚕以其汁漬種亦效○取馬骨剉

碎水煮去滓漬種曝乾天陰勿浸如此三四度下種時以餘汁

浸而種之則苗稼不被蝗害

麥種宜與剉碎蒼耳

耳引

或艾暑日曬極乾帶熟

或云三伏日同蒼耳辣麥

之收藏以瓦器先將稻草灰鋪缸底復以灰蓋之則不蛀○又

法麥一石雜乾艾一把藏以瓦竹器順時種之則所收常倍

緩及蕎麥雖不實種之善生大麥雖鬱浥亦無妨有不儲麥種

剉其藁而種之年年豐熟如小豆木綿及苽與真苽蔓菁等子

愈陳愈好

古方穀種將種前二十日取出晒燥牽馬就穀堆分食數口仍以馬踐過無出害云

收藏○忌糞日不宜糞田正月未日二月戌三月辰四月寅五月

午六月子七月酉八月申九月巳十月亥十一月丑十二月卯日

作尿灰法牛廐外作池貯尿以穀秸糠粃之類燒為灰用所貯

池尿拌勻

俗法廁中埋大瓮前面鋪次布尾使大小便流入瓮中待其將滿添水攪滾以瓢瓢而長木柄取出注漬

灰園曝日待乾乾則復灌如是三四次後稍置既側用苦草蓋之或布水田或粘秋麥及木花種甚宜作稻秧基之糞尤好

馬糞燒灰有大秧草交令人尿雜其火灰積之灰基以苦草蓋

之煖鬱連蒸○胡麻殼剉之牛馬既踐踏積置經冬者及木綿

子和既尿者皆可以糞田○秧草軟柳枝及真櫟皆以斫刀打

斷用既下水或人尿沾濕或牛馬既踐踏和濕灰及人尿積置

以苦草蓋之善蒸白頭翁草子刈與又云鹽亦可以甚毒多布

傷秧預雜以芳草俗小兒作髻也如土法蒸而用之○春夏間剉

細柳枝布牛馬既每五六日取出積之而糞○七月刈白藁軟

枝扭枝司櫟木枝葉斫斷積既池或踏牛馬待蒸糞田則至

種雜穀無不茂盛而尤宜兩麥○秋間茄子盡摘後乾葉葉藏

之明年判入秧基極好○蘆草甚好而可欠節晚然日日苗長
可以計日移秧○馬糞晒乾以壅田則土肥種菜豆犁掩肥田法見上種麥用鹽
法見○陳壁土破埃中灰土及蕪草或蚕砂鷄屎之類各有宜
處並收待用此務農之家家內雞僻處必多置瓦盆木槽之屬
日夜浸溺不可點滴空棄故古語曰敗家之兒視珠玉如糞土
興家之兒視糞土如珠玉

早稻類

救荒秋所里千畝外又引一名永拆稻外畝引無芒色黃皮薄其性太早耳甚
聰米白而軟宜膏腴不竭之田預於三月上旬解水初種之
自蔞有芒初發穗時色白熟則黃土宜種上同

著光有短芒初發穗時色微白熟則黃赤米白宜飯耳鈍耐風性忌瘠田雖虛浮不實之地亦能發穗而實種候上同

鷄鳴稻

司馬

無芒色微黃耳聰寒食後即種之驅雀最難

柳稻

司馬

有芒色微黃耳聰與鷄鳴稻同時種之差後種亦無

妨驅雀

次早稻類

於伊仇智

司馬

有短芒初發穗時色微白熟則芒赤甲深黃米

光白作飯甚軟耳甚鈍性健宜浮虛不實之地種候上同

倭子芒甚短若無初發穗時色青熟則芒黃甲微白米光白作

飯則強性健耐風宜浮虛水寒不實之田

所老秋所里引無芒初發穗時色青熟則黃米光白作飯

則軟耳鈍性畏風忌瘠田預種膏濕地

黃金子芒長初發穗時色白熟則黃深與所老大同子長大稍

早米白作飯則軟耳鈍性畏風忌高瘠宜膏濕地嶺南好種之

青秋所里引無芒色黃耳聰寒食後十餘日種之米性甚

佳酒食皆好

中實稻引有芒色微黃白耳聰

栢達伊引無芒色黃赤耳甚聰宜肥沃水田

晚稻類

沙老里引芒長初發穗時色赤熟則微赤米白作飯軟耳鈍

性耐風忌瘠田宜膏腴水寒之地

牛秋所里

至引

芒長初發穗時色青熟則白得米多而色白作

飯軟耳聰性畏風宜膏腴不渴之地

黑秋老里

至引

有短芒立苗時色青胎則紫黑葉節着葉處

深黑初發穗時芒甲皆黑熟則甲微白眼黑者子密米白作飯
軟耳甚鈍性健耐風不擇地

秋老里有短芒初發穗時色青土宜上同

高秋伊老里

至引

芒長發穗時色白熟則色微黃土宜上同

所伊老里

至引

芒長初發穗時色白熟則芒黃甲微黃子長大

米白而強不宜飯耳鈍性忌瘠地而又惡虛浮頑種膏腴地

晚倭子

大州

芒短初發穗時色微白熟則芒黃甲白

東謁老里

동리

芒短初發穗時色青熟則黃米白作飯軟性健

耐風不擇地種之

牛得山稻

우득산도

芒長初發穗時及熟色皆赤米白而差

小作飯強耳弱耐風膏瘠皆宜種

白黔夫只

부전

芒長赤初發穗時色微白熟則眼微黑甲微白

米白作飯軟性健耐風土宜上同

黑黔夫只

부검

芒長赤初發穗時色微黑熟則甲眼皆微黑

米白作飯軟性健耐風土宜上同

同鼎良里

동리

芒長初發穗時色微白熟則甲白眼微赤皮薄

米白作飯軟性健耐風土宜上同

靈山狄所里

里山

無芒初發穗時色青熟則眼微黑甲微白

皮薄米白作飯軟性健耐風種宜膏腴地

高沙伊眼榆伊

伊州

芒長初發穗時色白熟則黃莖節黑米

粗白作飯稍強性耐風膏瘠皆宜

多多只

名中御飯米

芒長而稍曲

只

初發穗及熟色皆白米白

甚軟最宜作飯性健宜膏濕地

仇郎粘

子

無芒初發穗時色微赤熟則甲微赤米白性健宜

種膏濕地

所伊老粘

子

芒短初發穗時色青熟則黃皮薄米白性健耐

風膏瘠皆宜種

多多只粘中中與多多只相同

粘山稻無芒初發穗時色微白熟則甲白米白稍強耳弱耐風
宜種膏燥不濕之地八月上旬熟

辭山稻只只無芒初發穗時色青熟則微白米赤強不宜作飯

性健耐風宜瘠地早種

倭水里引引有芒色赤耳鈍寒食以後皆可種芒種時種之亦

能成熟最宜於移秧

秋所里引引無芒色微赤耳聰

密多里無芒色深赤耳聰非膏沃水田不可種粥食餅皆佳

大棗

叶五

無芒色深赤耳深鈍尤甚宜移秧

勝

記

然

蓋

種

稻

有

早晚之別亦有水耕乾耕或有神苗之不同者而治田除草之法大抵皆同

種田宜忌日

穀種五穀同

○宜甲子乙丑丁卯己巳癸酉乙亥丙子己卯

庚辰癸未甲申乙酉己丑辛亥壬辰癸巳乙未丙申戊戌己亥

庚子辛丑壬寅癸卯丙午戊申己酉癸丑丙辰戊午己未庚申

辛酉癸亥戌收開日又丁巳辛卯○下五穀種凶日丁亥又枯

焦日不生芽忌田痕日布種又甲寅

田祖死日

丁亥

田父死日

丁未

田母死日

乙巳

田主死日

癸巳

右殺日

田家最忌耕種

抑秧

又正月戌日

二亥三子四丑五寅六卯七辰八巳九午十未日播種無所收

早稻○宜甲子戊辰壬申甲戌己卯癸未甲申戊申壬子癸丑壬

子

戌癸亥成收開日又宜戌巳四季日即辰戌丑未日○忌同下種諸忌

日又忌寅卯辰丑日○栽禾吉日庚午壬申癸酉己卯辛巳壬

午癸未甲午癸卯甲辰己酉○割禾吉日庚午壬申癸酉己卯

辛巳壬午癸未甲午癸卯甲辰己酉成收開日

凡水田上可以引水下可以決去旱則灌之雨則殘之之處為

上巧下停水處次之然久雨泥彈則苗腐矣高處雖雨而耕者

斯為下也秋收後必擇連水源膏肥水田耕之冬月入糞或正

月解水耕之入糞至二月上旬又耕之以木斫鄉名斫訖羅縱橫摩

平復以鐵齒擺鄉名手愁音打破土塊令熟先以稻種漬水經三日

漉出微見白芽如鍼尖即納藁窩鄉名雲石中置溫處或曰置陰處又曰晴則曝

暖地以水日三數如頻頻開視勿致鬱冠芽長二分均撒水田

中撒時五晴明則苗易堅若以板撈翻地或把撈翻地覆種灌

水限苗生驅雀撒種二三日後撒稻苗生二葉則去水以水耘

蓋苗弱不可用鋤然若去苗間細草訖又灌水每去水而耘之

水竭土剛則當用鋤如川水連通雖旱不竭處則每耘訖決去水

曝根二日後還灌水耐風旱苗長半尺許又耘以鋤耘時以手按

軟苗間土面凡禾穀長成惟賴鋤功可耘三四度且早稻性速

不可以緩也一法苗長半握以上即去水以灰量布苗穀

胎則只可信手輕輕拔條不宜入鋤恐傷根而損穗（）耘時搜

鬆稻根則易旺傷斷橫根則頂根直生向下○向熟有水則熟

遲將熟去水且早稻熟零隨熟隨刈

晚稻○水耕正月水解耕之入糞入土與早稻同法今年入土則

明年入糞或入雜草互為之其地或泥濘或虛浮或冷水則專

入新土或蒔草瘠薄則布牛馬糞及連枝桴葉鄉名人糞蚕砂

亦佳但多得為難三月上旬至芒種節又耕之或曰晚稻穀大雨前後種之

抵節晚耕種者不實漬種下種覆種灌水耘法皆如早稻同六月

墾前三度耕者為上六月內三度耕者次之不及此者為下

乾播法○春旱不可水耕宜乾耕而惟種晚稻其法耕訖以耨木

鄉名古打破土塊又以木斫鄉名所縱橫摩平熟治後以稻種

一斗和熟糞或尿灰一石為度足種驅鳥以苗生為限苗未長

成未可灌水雜草生則雖旱苗槁不可停鋤故老農曰苗知人
功又曰鋤頭自有百本禾○乾播後土鬆不密則種子或腐傷
或虫食須以土莫翻地以木塊曳其上使土堅密待立苗以柴
翦翻地以木塊曳其上則苗立而草死愈頻愈好苗盛則止且乾耘
一次後灌水則苗盛

苗種法○後穀吉日甲戌乙亥壬午乙酉壬辰乙卯○下秧吉日

辛未癸酉壬午庚寅甲午甲辰乙巳丙午丁未戊申己酉乙卯

辛酉種下五穀種吉日擇水田雖遇旱不乾處二月下旬至三

月上旬可耕每水田十分以一分養苗餘九分以擬栽苗拔秧

並栽養苗處先耕養苗處如法熟治去水剉柳枝軟梢厚布訖足踏

之曝土令乾後灌水先漬稻種三日漚出

宜浸塘水若浸地長流水則難得生芽矣

入蔴簍經一日下種後以板撈

鄉名翻地

覆種苗長一握以上可以

栽之此法便於除草而萬一大旱則失手農家危事也

曝土時以人跡

暫印為度

早稻秧基○以灰和人糞布秧基而假如五斗落多年秧基則

和糞灰三石若初作秧基則和糞灰四石適中和糞時極細調

均若糞塊未破穀著其上反致浮釀矣○秧基犁耙三四遍押

秧處亦然

百草霜及雞糞搗均撒基苗易長成○灰秧上布黃土則便於栽秧矣

秧苗秧基○不待曝土因水下種不然暫乾秧不着根凡地品

不強或因雨水不得如法曝土處有秧種浮釀之狀則去水如

根未着土以沙量宜壓之根着後貯水

乾秧法○春旱秧基無水熟耕乾當治令無塊作小畦將稻種和灰糞種如乾播而一斗落可種七斗得雨移秧則勝於水秧

拌秧法○先耕後苗處布籽葉或牛馬糞或蘆草臨移栽時又

耕之如法熟治令土極軟在小滿芒種前後又曰南方多輕手在立夏前

拔秧就水洗根去泥有稗草則揀去每作一小束却於犁熟水

田內栽押每一窠栽不過三四苗相拒五六寸務要窠正行直

以便耘押根未着土灌水不可令深○移秧處水將乾稻急於

移栽而苗弱若儲水秧基則秧苗自然出水長成然弱而長移

種時不無折傷之患矣吉日庚午辛未癸酉丙子巳卯壬午癸未甲申甲午巳亥庚子癸卯甲辰丙午

戊申巳酉巳未辛酉戌收開
日宜芒種前後耕之可也

醫苗法○苗種或不即移秧有過時蠅點處俗稱蠅屎厚布乾草於

苗上焚之後即灌水待其葉間新芽抽出寸許或量宜長短後

種則與趁時耕秧者無異必灌水焚之無傷根三日後種之

反種法○水田無水雜草荒茂未易除却處待水拔取禾苗不至

損傷者束之反耕更種一如苗種法則鋤功甚省雖有水處人

力不足難於除草則亦行此法未甚盛勝於苗種○過時草盛

難鋤之苗以木斫駕牛摩治如初種時旋即鋤之則易耨而苗

盛○凡耘鋤之法田已過時荒蕪者姑置不鋤先就將蕪之田

而鋤除之已蕪之田則延後併力鋤治可也反種之法或云未足而老農屢經

之人皆曰
足已種矣

火耨法○木苗至兩三葉則先放水乾草量宜均布以火焚之即

為灌水土則雜草盡死苗長自茁雖不鋤耨所收倍多中國南京

一人至種五六石之多者用此法故也然非燥濕任意之處則

決難行之

一說小灌水焚
之無傷根之患

山稻一名早稻

○偏宜於高地及水冷處然土大燥則不成二月上旬

耕之三月上旬至中旬又耕之作計足種訖踏訖背令堅耘時

去苗間土勿雍之若瘠薄和熟糞或尿灰種之或早稻三分糞

二分小豆一分相和而種之蓋以歲有水旱九穀隨歲異宜故

交種則不至全失

黍시粟도稷도蜀도類한

宿乙里黍시莖青甲灰色實白三月種膏田

走非黍시莖稍黑甲灰色實黃種候上同

達乙伊黍시莖赤甲灰色實黑種候上同

黍시莖青甲灰色實黑種候上同

秫시似黍而粒小米黃釀酒最佳

三葉粟시莖短莖赤實微黃宜早種膏田五月熟

荻花粟시莖短莖白實黃六月熟土宜上同

猪蹄粟시莖長莖赤實微白膏瘠皆宜種七月初熟

都籠箕粟시無莖莖與實微白七月熟土宜上同

沙森犯勿羅粟

外合芒

芒長穗長實稍青土宜種候上同

卧余項只粟

外合芒

無芒莖白項長實黃土宜種候上同

茂什羅粟

外合芒

芒短莖青穗長熟則灰色八月熟土宜上同

漸勿日伊粟

外合芒

芒長莖青熟則黃不擇地晚種八月晦熟

烏鼻衝粟

外合芒

芒長莖微白實黃膏瘠皆宜種七月熟

擎子个亦粟

外合芒

無芒莖青穗短而本小末大實黃種候上同

漸勿日伊粘粟

外合芒

芒短莖赤熟則微白宜膏地五月初種

之八月晦熟

生動粘粟

外合芒

芒短莖赤熟則灰色膏瘠地皆種之七月熟

婁亦粘粟

外合芒

無芒穗多歧莖青熟則黃土宜種候上同

黑德只栗

기문

芒短莖赤熟則黑土宜種候上同

開羅叱栗

기문

芒長莖青熟則黃四五月種之八月晦熟土宜

上同

阿海沙里稷

기문

無芒熟則微白二月晦膏濕地種之六月

晦熟

五十日稷

기문

無芒熟則微白二月晦膏濕地種之六月晦熟

長佐稷

기문

芒長熟則微白水氣膏濕地皆種之七月初熟

中早稷

기문

無芒熟則微白土宜種候上同

羌稷

기문

無芒熟則赤土宜上同八月晦熟

米唐黍

기문

無芒熟則微白土宜種候上同

無應庚唐黍

并并

無芒熟則赤土宜種候上同

旨千唐黍

并并

芒長熟則赤土宜種候上同

種黍粟雜法○凡治田之法秋耕過冬為上而粟田尤甚○凡田

穀種菜豆苡底為上胡麻底次之蕪菁大豆底又次之○粟種

雖多必擇米柔者種之而臘雪水浸種一宿晒播則耐寒辟虫

○種粟春欲深夏欲淺○粟養腎去胃熱甚宜人且田家役夫

之所飯無如此穀○清明耕早黍早粟

種黍粟宜忌日○黍宜戌戌己亥庚子庚申壬申己酉戌日忌寅

卯丙午日○粟宜己卯辛卯丁巳己未三月三卯滿上

黍考上耕種條

早黍早粟三月

待霜氣順無

上旬晚黍晚粟三月中旬至四月上旬可

種黍粟性喜高燥不喜下濕地細沙黑土相半者為良田若瘠
薄則用熟糞或尿灰種之而每黍粟二三升和糞灰一石為度
先用小豆稀疎播撒後耕之以水灌子與黍或粟相和小荏子一分黍
或粟三分迨計左右足踵交踏左右足交踵已成覆土及苗長間生雜草與科
穉處鋤而去之以土擁根鋤至三度勿以無草停鋤黍苗弱時鋤之則土
入苗間待禾成長兩計間雜草茂盛用一牛網其口徐驅耕之
仍不成勿致損禾使計間無穢土擁禾根○凡遇小雨宜趁濕種之若
大雨鋤一遍然後爬均種之候苗出頻鋤鋤多則不祧○間種
之粟或因雨澤莖節過為茂盛則穗而不實網牛口耕兩計間
掩土枕莖節則更生新根穗長而實

漢人種粟法

○預聚灰灰邊斫置燒木

灰三四石木四五畝

聚石於木上燃

火待其石紅如火石上以其灰周匝覆之灰上周以空石覆去

於其上上作大埴以水灌之

灰五石則水五桶

如埋麻法過一兩日後

去石與土則其灰倍重於前耕田作畦布灰兩畦之間覆土均

之以踵作竅盛粟種於頭用鋤而作細孔使粟種自其孔下蓋

欲均也種後以胡犂或犁耕其畦使土覆於種粟之處均土堅踏

則其粟遲生且短待稍長又以胡犂耕畦則草埋粟長如是者

數次仍又略除其草粟莖雖不長其穗則極長大一日耕可收

三十石少亦二十石

黍心未生雨灌其心則傷黍心初生畏天露每日早用葶麻散

拴長繩上令兩人對持於黍上摩拽抹去其露則不傷○黍熟

易零遇風則失收及其半熟即刈粟則待十分黃熟可刈刈黍後黍

濕即打則移易
脫遲則難脫矣

粟又有晚種早熟如青粱生動占粱占物之類者擇土厚久陳

地種之刈除草木為上久陳
田次之麥根為下五月伐草待乾火之灰未冷時撒

擲粟種灰冷則蜘蛛遍網
地面種不至地以鐵齒擺起土覆種鋤草省力所出

倍常

秫可種水沈處身高能耐粘最宜餅酒糴造簞

稷○性宜下濕地二月中旬耕地以木斫熟治自三月上旬至四

月上旬皆可種種法與種黍粟同或擲撒亦得田若瘠薄用糞

灰熟糞與尿或先布雜草於畦間後耕種鋤至二度○稷亦

有晚種早熟者

鄉名

兩麥底六月上旬可種之

凡稷八九分熟便可刈以避風

落即忌種未寅日

蜀黍

鄉名

○宜下濕不宜高燥二月早種鋤不至再而收多

此粟

水土深厚害地藏之可留數十年不壞矣黍之粘者宜酒而已飯則不實於人必有益氣補中之功然多熟令人昏煩不必多耕矣稷亦有必補不足於人而米水不關不須多耕

大豆小豆萊豆藕豆豌豆類

黑太甲赤實黑如榛子大宜膏腴地五月種之

吾海波知太

凡引斗

甲白實亦白如梅子大薺根種之八月熟

黃太甲或微白或微黃實微黃如榛子大薺根種之八月晦熟

百升太名甲與毛灰色實黃如鼠眼大

火太量甲微白實深赤皮薄如梅子大軟麥根種之季秋始熟

者乙外太量甲黃實黑如鼠眼大宜膏濕地三四月種之九

月熟

卧北多太量甲黑青實黑赤如榛子大宜瘠地種候上同青

太時最軟

六月太甲白實白如冬背大三月種

春小豆名甲白實赤眼白如櫻桃大黍粟田雜播之八月熟

根小豆甲白實深赤眼白如櫻桃大薺麥根種之八月熟下同

山達伊小豆甲白實白眼亦白如麻子大薺麥根種之

猪排夫蔡小豆

列甲

與山達伊同而稍大

黑小豆

列甲

白實黑眼白如櫻桃大赤粟田雜播

早小豆

列甲

黑實赤眼微黑如櫻桃大赤粟田雜播七月熟

升伊應同小豆

列甲

白實半白半黑莖微赤黑眼白三四月

種之

沒衣菜豆

列甲

灰色實微黃五月膏腴瘠地皆種之

青萊豆甲黑實青宜種膏地五月種

東背甲長微白每甲實十莖青熟則微白眼赤瘠地種之二三

月種八月熟

光將豆實赤眼白種候上同

豌豆名蠶豆一色青似菜豆而大今出咸鏡道京中籍田亦有之

種大小豆吉日○甲子乙丑壬申丙子戊寅壬午壬寅又六月

三卯為上又宜申子丑日耕種○忌六月戊日大豆忌申卯日

小豆忌卯午丙子甲乙日又忌卯辰甲戌日

大豆小豆種皆有早有晚早種名春耕晚種名根耕根耕者耕兩麥根也早種三月中旬

至四月中旬可種或曰三月上旬宜種夏至後二十日皆可種或曰三月種四月可食名曰梅豆餘皆三

四月治田不可過熟或曰地肥下種每窠不過三四箇多則茂密

少實然肥田種欲稀薄田種欲稠田若瘠用糞灰宜少不宜多

鋤不過再吐花時不可鋤鋤則花落苗出葉盡收之則收之

收訖耕之以擬明年不耕則無澤矣

大豆根耕○刈兩麥旋耕其根耕耘及收皆與早種同但下種每

窠四五箇

大略麥一斗地
種大豆三四升

小豆根耕○與大豆根耕同但撒種於麥根訖覆耕之一鋤而止

大略一斗地
種小豆數升

○又法田少者兩麥未穗時淺耕兩畝間種以大

豆收兩麥訖又耕麥根以覆豆根大豆田間種秋麥麥田間種

粟皆同此法用網口牛耕兩畝間與黍粟田同雜草還茂再耕

黑豆○三月熟耕鉆地手內握豆半狄行一步一撒苗旺便鋤淨

草苗旺四月亦可種

萊豆○薄田荒地皆可種也稀種一鋤撒種亦得○六月刈麻地

上種之太早不生角四月種六月收子再種八月又收一年再熟

編豆

鄉名東背

○五月間種薄田一鋤隨熟摘之

豌豆○社前於大麥根邊種之以灰糞均蓋頻鋤至五月收之諸

豆之中豌豆耐陳多收早熟○八月間或挾麻同種同收

雜法大豆之於功用極多豈獨牛馬之喂也治能除胃熱下痰

血並收箕葉以備用處○凡田多種鮮粟太豆則他穀雖無何

妨相土務實可也○豆太一升可以敵米一升田家補糧莫過

於此○菜豆治熱益氣可常食之熟冷水尤能除熱但去皮則

壅氣○凡收豆類宜晨夜或霧中若當日中而收之則角折拋

費矣○陳大豆不可

作種雖生而不結實

大麥小麥類

秘麥

即秋

芒長熟則微黃宜種膏地八月晦播種明年五月初

熟節早則四月晦亦熟

春麥芒長熟則微黃宜膏地二月解冰初種之五月熟

有皮厚無芒者

俗稱僧
難春

西節麥上同或秋耕或春耕

米麥無芒無糠熟則微黃播種節候與秋麥同

真麥

即小麥

芒長熟則實黃膏瘠之地皆宜種候上同

莫知麥

即小麥

芒長熟則實黃宜膏地二月解冰種之五月熟

種麥吉日○庚午辛未辛巳辛卯庚子庚戌日又八月三卯為

上又大小麥宜白露節後戌日又宜亥卯辰日○大小麥忌子

丑戌日又大麥忌子日小麥忌戌日

大小麥○薄田白露節中田秋分時美田後十日可種早種則根

深耐寒晚種則穗小然太早又不可古語曰早種則出而有節

種小麥八月上戌為上時中戌為中時下戌為下時種大麥八

月中戌社前為上時下戌為中時九月為下時○先於五六月

間耕田曝陽用木斫麻平

六月初旬四五更乘露水未乾陽氣在下時耕之

下種時又

耕之以鐵齒擺或用木斫背熟治密作小畦和糞灰撒種密種

布熟糞覆種宜厚明年三月間一鋤之

十月麥地內有草鋤去七法不鋤則其麥少收

麥根田則依上法黍豆粟木麥根田則預於收穀前用長柄大

鐮及草木黃時刈之積在田畔收穀訖以其草厚布田上火焚

擲種及灰末敬耕之薄田倍加布草如未及刈草用糞灰如大

小豆法或於其田先種菜豆或胡麻五六月掩耕待草爛後又

耕下種六月耕過稀種菜豆七月間○薅種一斗和鹽一升種

之勝於糞灰○春夏間柳枝白蠶柰櫟枝踏既為糞糞者收宜

西麥○大糞清和灰灰粘着麥種大如榛子後下之○四月間

有以霧傷麥用拽繩法見上黍

秋薅種二百日秀秀後五十日成性畏濕惡風惟喜乾燥必於

依危環擁水氣易晞處及風勢不觸之地種之春開後以灰灰

撒之或以灰和水逐日澆遍則旺茂矣澆尿多不

大小麥隨熟隨刈或曰麥半黃時趁天晴收割若過熟則拖即

貴矣○或云待青收一半待熟收一半

收於場用苫蓋覆以防雨作若不及收場亦須輸運於田畔高

處蓋覆乘夜輸入遇晴薄布於場上

厚則難乾

隨乾隨輟

鄉名打作

古語

曰取麥如救火若少遲緩終為災傷言恐遇雨也故農所忙無
過於麥○兩麥收時農務政急刈麥作束田畔高處以長木撐
如土字狀將麥束令穗向內根向外鱗次密積作次一面則風
而不鬱雨而不漏差待農歇打入但場畔則雖如石積之必生
飛蛾忌之

大小麥宜三伏日晒乾用蒼耳辣蓼同收甚妙又法烈日中晒

之乘熟收之或雜麻葉亦妙○麥雖結之不實亦可種

劉藻種法見上

凡大小麥接食新舊之間農糧專賴於此不可不多○田有水

現處種薺早收無患○諺云無灰不種麥而經社日佳

春薺○二月間土已冰釋陽氣溫和之日可耕盡二月止耘法收

法與秋麥同

收春薺及真麥依上法藏之則可經二年不蛀若有陳麥亦依

法更晒如不晒則入秋已有蛀矣

或曰晒熱後覆以石灰不蛀又以乾草和之辟蟲

畝中種薺法○預收草糞於畝邊待稻成熟後即刈旋耕以薺種

和糞深種以土覆之則其薺即生且茂至春別種稻秧於有水

之畝待刈薺盛水耕之移其秧則稻甚盛

蕎麥

即補木麥

○宜種甲子壬申辛巳壬午癸未日種宜荒地立秋在

六月則節前

或曰節後

三日內立秋在七月則節後

或曰節前

三日內乃

其時也

早霜後宜早耕不必待立秋若失時遇霜則不收

五月耕之待草爛六月又耕

下種時又耕之田雖瘠薄多糞則可收種子一斗以糞灰一石

為度灰少則漬種亦可其法燒牛馬糞為灰以厩池水盛貯木

槽中漬蕎麥種半日漉出投灰中分灰粘着種之若山林肥厚

之地火耕撒種所收倍常○撒種密則結實多若稀則結子必

待其半黑半白刈之倒豎則皆黑○蕎麥雜蘿蒿耕之兩得月

作米水飛用之其楷亦有用處儲之

耳麥

引引

○種候同春薺此穀不除草而亦食甚切省正穀不合

之田廣種多收則非但為荒年餅飯之資水浸搗治尤宜六畜

之飼養

芝麻

鄉名真荏又脂麻又白油麻
黑者稱胡麻或稱巨勝子

○有黑白黃三種白者多油又

八稜者
多油

性宜白壤

又曰宜沙地

荒地尤良

或曰宜肥地

三月上旬為上時

四月上旬為中時五月上旬為下時望前耕者案多望後耕者

案秋三月間雨後

不因雨濕則不生

耕地撒種若熟田則四月上旬麥

根則趁刈麥後和糞灰稀種用耨木破塊覆土鋤不過再隨熟

刈之作束要小束大難乾以五六束相倚為最候口開逐束倒

豎以小杖輒打取了還蓋三日一打四五遍乃盡○又法白胡

麻三分晚小豆一分相和種之或以菜豆二分胡麻一分相和

亦得耕訖作畦以所和種均撒覆土○夫婦同種則茂○臘月

取油則久放不壞宜蚕室燈辟虫正月亥日生榨者曰香油治

蛇咬取油餘滓曰麻粩又曰麻餅皆有用處糶入米倉內米不蛀

水蘊麻

鄉名水蘊子或稱油麻

○路邊或田畔宜種每窠相去一尺密則無

枝必密又法四月上旬苗種待兩麥根莖時移種兩畝間而乘

雨拌之

苗種過時不移身已長者截頭尺餘先以尖木穿地作穴而拌其苗則能活成窠亦必乘雨為之易活

玉蜀黍

今名

○有五色春種宜肥地相去一尺種一窠可蒸食作

粥甚佳勝薏苡

薏苡

鄉名

○不問田之高下但宜旱濕地種依五穀法尤宜下着

牛糞根治小兒蛔收儲實輕身勝瘡

大麻

一名大麻

○宜壬申辛巳甲申己亥戊申辛亥庚申正月三卯為

上忌戊巳日又忌四季日即辰戌丑未日土日種麻則不生古

人云十耕蘿當九耕麻地要肥熟田多則宜歲易易則皮薄節

潤正月解水擇良田耕之縱三橫三布牛馬糞二月上旬更耕

之中旬為中時下旬為下時

或曰二三月皆可種宜早不宜遲○北土寒氣晚解要隨時宜可也

又曰麥黃種麻黃種麥亦良候也夏種為秋麻子入藥取油搽物亦宜也

以木斫及鐵齒擺熟治

使手後足踏均密撒種又須均密不均不密則麻或鹿或枝不

中於用曳撈

解名曳介用多枝木為之松枝為工

覆種其上又布牛馬糞

或曰以灰拌種

如撒子以土灰和腐草蓋之

麻長三寸許有雜草則鋤之不過一鋤耘宜帶

露耘糞三兩次葉出則刪之

麻好陰濕地最惡石確田翻耕二遍十月下旬種之以糞厚覆

春乃早盛又有晚種者夏至前後十日內皆可種麻種在春去
皮後下之撒種後足踏須密不然則麻痿○六七月間麻桿上
生白膩時即刈攤宜薄束宜小而種宜清水生熟要相宜每一
斤可取皮四兩枯麻亦作布宜索

生麻微漬水多取野中蔓麻裹之一晝夜即熟過時則爛麻子

取油治頭髮不生○麻花患疥腫人見之即死用胡麻鐵砂燭
燻過末醋和付之效○其緒白細者可為燭心○生布與紫莧
菜同煮則白如玉○取麻子仁法帛包浸沸湯中至冷取出垂
井中一夜勿着水次日中曝乾即于新瓦上按去殼簸取仁
粒粒可完

苧麻○年久宿根截斷可移壓枝能活種子亦生九月寒露後收
子晒乾以濕沙拌勻筐內盛之用草蓋覆若凍損則不生候來

年二三月肥地內撒種以草蓋用蚕砂壅之二年後正二月移
栽而疎行密栽用灰糠拌土植之五六月間看根赤便刈刈了
用蚕砂麻粃糠粃肥糞壅之八月半再刈隨卽用手絕斷剩下
皮以刀刮白其粗皮自然脫落薄作小束搭於屋上夜間承露
則潔白十月以後用牛馬糞或糠粃之類蓋壅其根免致凍損
○或曰五月斫頭芋七月斫二芋九月斫三芋若三度斫者蓋
加壅倍○常留其根以灰糞壅土上草覆之或壓條來年成芋
凡移芋根忌見星月若置地上須用苫蓋不然卽變野芋最忌
猪糞

木綿花○性宜雜沙礫田

一曰土極且膏則多花預多入糞

收種初收及延霜者

不用惟中間收者佳冬月碾取經日晒燥可用二月中旬翻耕

三月上旬又耕熟治下種時更耕三月三日下種所收倍多

始生欲大或穀雨下種或立夏前後下種蓋早耕則雖有霜結正可下種

窠必多先將綿種以牛糞按磨以白色盡沒為度

或曰先將種子用水浸

時灑出以多粘灰轉着乾灰箇大如榛子成苗後櫛木尖其灰拌勻

下端打穴計上作穴頗廣以灰灰或牛馬糞布穴撒種以推介下種無簇

掩土鋤不壓多待其長成計間草茂用網口牛徐耕勿致損傷

世之糞田者未耕前撒糞田中其功不專於根莫如此法之為善也凡種木花牛糞為上○每一尺作一穴

種五七粒待苗出時密者耘去只留旺苗二三窠勤鋤苗長尺

餘常掐去苗尖勿令高高則不結鋤後須用大糞水澆之

山谷或平原荒田解水後掘坎沒脛廣如方席種綿臨時灰
與牛馬糞填坑又如新土以綿種轉着牛屎及熟灰如栗子大
一坑種五六箇待長成約七八寸去其上枝即枝茂葉蕃所摘
倍多明年坑傍又如如是則三年後終為饒田尹調元到處如是
不耕而田熟

俗人有間種真荏青太而不知損害木花欲專業木花者絕不
間種或於卦間種而荏而皆不如不種

摘花攤箔上日曝夜露子粒既乾收之則絨不絕而子不腐○
每木綿花四斤取綿一斤

榮麻

升

○宜熟肥地臘月八日種者佳正二月亦可去皮潔白

如雪耐水爛可織為毯被及汲水繩牛索牛衣雨衣等物農家

不可無疑俗稱於佐耳

此是江南俗
故曰臘月種

治蝗○蝗虫赴火如歸且焚且瘞百里之內可以立盡凡收穫後
用火焚田一次去穢草亦防此患此虫飛千萬為羣可以網羅
夜以火取之尤易坐視縱橫而莫之誰何哀哉

秧馬法不合於我國之用故闕而不錄焉

農謳附

雲松居士姜希孟字景醇

世宗朝人

聖君建皇極玄德潛通雨暘時既若雨暘極備無一切傷我穡塊
不破枝不揚細溫調玉燭吁老農豈知蒙帝力熙熙但耕鑿

一雨暘若

清晨荷鋤南耕歸露溥溥猶未晞但使我計長感施何傷於我水
二卷露

山頭日初上綠秧齊葉平如掌迎陽下田理荒穢嘉穀日日長

三迎陽

提鋤莫忘提酒鍾提酒元是提鋤功一年饑飽在提鋤提鋤安敢

慵 四提鋤

彼貧羞與真同者者不辨愁老翁細討非類莫相容盡使貧羞空

五討草

昨從市中過市中諸子顏如花爭來喚老醜各自逞奢華老夫柱
杖語市人刀雖未利安肯誇長金積玉細商量皆自吾農家

六誇農

我身足可惜我生駒過隙豈厭終歲坐安閑
安閑食不足勉勤苦
田畯來相促
七相勸

大姑舂政急小姑入厨烟橫碧飢腸暗作吼
雷鳴空花生兩目待
饑時提鋤不得力
八待饑

麥飯香饌在筥藜羹甜滑流匕匙長集次第止
四座喧誇香美得
一飽撐腹裏行鼓腹便欣喜
九鼓腹

麥登塲占年祥我稼穡願無傷汚邪黃禍車箱殺羔羊
穡壽觴

十望秋

竟長計計正荒日煮我背汗翻漿大郎不及小郎強
爭咫尺手却

忙竟長卦回頭笑大郎大郎却慚小郎強竟長卦卦正荒

十一竟長卦

水鷄鳴當舉危朝鷄累數危已覺醺人肌晚鷄忽已報醺酒來何
遲水鷄鳴當舉危 十二水鷄鳴

回者斜日已啣山夕露微升凝葉端捲却長鋤伸腰間行趨村墟
待鴈還 十三啣山

濯足不用十分濯還家瞋眼鷄唧唧鷄唧唧鋤還握十二時何時
可伸脚夏夜短休幾刻濯足不用十分濯 十四濯足

和噴

確者古老農

吐氣振唇

古農謳自雨暘至待饑定為悞調用之於饑前半日自鼓腹至

濯足定為促調用之於髓後半日由慢而及促樂調之體然也
其慢調和辭之采應阿地利者村中之人交相呼喚必稱兄
者親之之辭也新羅曲終必多農多利乎地利多利也其稱利
者譽農之辭也其促調和辭之確者古老農者商確事理審而
有智惟古之老農也所謂噴者歌終必吐氣振唇頭要農助其
聲勢也蓋此謳古有曲名而無其詞必是隱逸之士棲身畝
樂以忘憂發為曲調以寓夫民力代食之意而田畝無知忘失
其詞而但依調雜用他歌耳雲松居士今採曲名之存者又以
己意撰為曲名以補其闕依名制詞各附其下農家之始終本
末略具於十四章之中焉

甘藷種植法

自倭國傳來

甘藷一名朱藷又蕃藷又朱薯又紅山藥今云赤芋俗云琉球芋
又長崎芋琉球國稱為蕃茹

甘藷蔓葉同薯蕷而初生葉紫色長則綠色不如薯蕷潤澤其
蔓埋地則處處生根其根大抵長四五寸周二三寸兩頭窄而
皮紫赤肉正白色生食之淡甘脆有烏苧氣味食之甚甜有南
瓜氣味其根如鵝卵鷄鴨卵圓者乃魁也色亦不鮮又有黃白
色者

甘藷功用質理膩潤氣味甘平無毒補虛乏益氣力健脾胃強
腎陰與薯蕷同功久食益人海中人多壽亦由不食五穀食甘

諸放也謂性冷者非

樸地傳生一莖蔓延至數十百莖節節生根根成即一畝可收
數十石勝種穀二十倍閩廣收諸海糧自十月至明年四月麥
熟而止此物水旱風蝗不受其災兵荒飢饉多充糧用農家不
可一歲不種救荒第一則誠生民之奇產天下之異物也

甘藷南人當米穀果食可生食可熟食可炙食可煨食可切米
晒乾收作粥飯可晒乾磨粉作餅餌可釀酒但忌與醋同用蓋
此物香美初時甚甜而若經久得風則味淡故將作餅餌者不
切作米

古人言柿有七絕蔓菁有六利今論甘藷有十三勝一畝取數

十石一也色白味甘于諸土種中特為愛絕二也蓋人與薯蕷同功三也遍地傳生剪莖作種今歲一莖次年便可種數百計四也枝葉附地隨節作根風雨不能浸損五也可當米穀凶歲不當災六也可充籩實七也以釀酒八也乾久收藏屑之施作餅餌勝用錫蜜九也生熟皆可食十也用地少而利多易于穫溉十一也春夏下種初冬收入枝葉極盛草歲不容其間但須壅土勿用耘鋤無妨農功十二也蝕苗至盡尚能復生虫蝗無所奈何十三也

土宜高仰沙地仍要極肥自二月先用灰及剉藁草或牛馬糞晒乾揉細撒田中屢耕熟治務令土脉細軟散緩可以行根

種法重耕地二尺深次將諸種截斷每長二三寸

截謂勝也若
即則不可斷

種之以土覆深半寸許每株相去數尺俟蔓生盛長剪其莖另
押他處即生與原種不異早種者即大晚種者即小故晚種則
種之加密所收亦多矣

占地法二三月種者其占地每科

諸所種
處為科

方二步有半

每科所
占之地

前後左右可容
延蔓處為方也四五月者方二步

一科
六科

六月者方一步有半

一百六
科有奇七月者方一步

二百四
十科

八月者方半步

九百六
十科

壅節法二三月待雨晴種之苗出莖成漸延之時延莖處土逐

日經鋤常分柔鬆壅培莖下五月間天降大雨地足濕氣待晴

二三日後方可壅節蓋諸每二三寸作一節節居土上即生枝

節居土下卽生根待延蔓時須以土密壅其節其無節處莖不必埋之七八日後審見埋土之節根已着土每越四節剪斷其莖則次次根大深入每節可得三五枝每橫相去二三尺縱相去七八尺以便延蔓壅節卽遍地得那矣○清明時種之恐有霜氣須於穀雨後下種似好矣種之時其本莖所接處宜爲上如絲細尾之所接處宜向下偃卧而種之○枝節已遍待生游藤者剪去之亦中飼牛羊

剪莖分種法待苗盛枝繁枝長三尺以上者剪下去其嫩數寸兩端埋入土各三四寸以土撥壓之數日延蔓矣

斷別根苗法壅節後各節生根細審埋去次序卽從連綴處剪

斷之令各成苗根

言廣植旱年得水滯年水退在七月處暑間遂不及藝穀者剪
藤種諸易生而多收人家凡有隙地悉可種諸若地非淤土可
多用紫草灰雜入凡土其虛浮與淤土同矣即市井淤隘但有
數尺地仰見天日者便可種得石許蓋諸性不宜於堅硬之土
亦不宜於背陽向陰之地矣

凡諸自二三月至七八月皆可種但卵有大小耳諸卵七八月
始生冬至乃止始生便可食卵若未及成實者則勿為採掘留
置土中則其卵乃大矣倭人云初年卵雖小連年傳種則漸大
我國初種抱卵雖或纖細勿以此解體而棄之

藏種法一傳卽二傳藤也霜降前掘諸卽揀延根先生十分完
全者勿令傷損用軟草苞之掛通風處陰乾傳藤者八月中揀
延根老藤晒至七八分乾用大罈洗淨晒乾或烘乾之罈內襯
乾稻草將藤蟠曲置稻草中又用稻草塞罈口掘地作大窖窖
底鋪糠二三寸將罈倒罩其上罈底實土高四五寸令不通氣
至來年清明後取起罈中已發芽矣○諸根極柔脆居土中甚
易爛又懼凍懼濕入土則不凍而濕不入土則不濕而凍

又法八月中移栽瓷盆至霜降如法藏之亦法

閩中藏種法藤卽俱晒七八分乾之後向南北收藏俱宜用乾
者或半用不乾者雜試之

藏種必於霜降前下種必於清明後更宜留一半於穀雨後種之恐清明左右尚有薄凌微霜也○經霜籐不可為種

我國法霜降前採取所擇完全者淨洗使不附土於向陽地深掘作大坎造窖如藏蘿薑之窖多以稻草乾正柔軟兼取木麥打作後雜澤納窖又以真黃土篩於竹篩交雜於稻草及木麥澤中鋪之取種子埋其中而勿使兩畔相接其肌肉厚蓋窖上無令雨水滲入切忌凍損濕壞故作窖之地必以高燥之地為之○又法以乾稻草作苞苴多置剉草叶和藏種子於其中以苞裹掛置人居煖屋壁上使不受凍則經冬不傷皮雖以乾薪妨又洗淨種子納於乾淨缸中堅封其口置之溫房上邊亦經

冬不死以乾亦無妨○又法以諸種和土盛於盆中盆底鋪板
置諸溫房上邊土若乾燥易以新土使種不至枯乾則亦經冬
不傷

自遠取諸卵來之時忌觸皮見暑又忌饑餓相蒸必使軟草相
隔而覆之如覆柑又使疎通其氣皮以乾無妨矣

甘藷總論萬曆年間以一條藤自海外來一植萬顆功利之及
民者甚廣百餘年來中國人以此為農務至若清人書亦稱某
年之荒賴諸救荒米不踴貴况今信使之經對馬島佐須浦也
見青田彌望無際乃諸田也倭之艦軍咲一諸根以當朝夕倭
亦新得此種猶未遍一國其最初得求之人自島中每戶聚五

文錢歲給此人報其功云以此觀之此種關係民生可貴重有如此矣獨我國無一人得來此種可勝歎哉再昨午南京飄風人來歸于南別宮以此問之其人盛言其美讚不啻口今則北京亦種之云此物無土不宜惡濕故亦宜於地凡植物之中蔓生之易莫若此分種之易莫若此廣植之易莫若此所收之多莫若此其味之甘莫若此但腐傷之易莫若此藏種之難亦莫若此其性受凍則傷遇濕亦傷取種極難其所收藏之法培植之節其理甚密不可與心麓者共論也蓋窖地藏種必有不謹則易致腐傷決不可為也惟管苴盆埋缸盛等三法可謂傳種要方也昨午秋濟州魚登補民標到日本長崎島今夏始還

以滿倭人兩時常饋之外我人每名日給甘藷五箇曰此方日
永汝等以此療飢云受而食之味絕甜美云而極口稱甘藷之
好以倭人供饋遠人觀之其所作為朝夕餬口之糧舉此可知
如此奇產我國之民曷不極力取種廣植八域而只使諸人倭
人獨專其美利重可歎惜也

